



**40 HADITHE
RRETH LUTJES
(DUASË)**

Tiranë, 2022

Titulli origjinal: **40 HADITHE RRETH
LUTJES (DUASË)**

Përktheu: **Haxhi Shejkh Vullnet**

Redaktoi: **Jerida Kulla**

Redaktor fetar: **Vjollca Karaj**

Faqosje: **Sabrie Feza**

Kopertina: **Isra Merja**

Botues: **Shoqata "Flladi"**

Me emrin e Allahut, të Gjithëmëshirshmit,

Mëshirëplotit!

Falënderimet i takojnë Allahut të Madhëruar! Paqja dhe bekimet e Allahut qofshin mbi Profetin Muhamed, mbi familjen e tij të pastër dhe mbi shokët e tij të zgjedhur!

I Dërguari i Allahut, vula e profetëve, Profeti Muhamed (Paqja e bekimi i Allahut qoftë mbi të dhe mbi familjen e tij!), si dhe Ehli Bejti i tij i pastër (Paqja qoftë mbi

ta!), na kanë lënë një trashëgimi madhështore, thëniet e tyre të bekuara, të cilat përfshijnë të gjithë jetën e njeriut. Nëse njeriu interesohet për ato thënie, i lexon, i kupton dhe i zbaton në jetën e tij të përditshme. Si rrjedhim, do të arrijë në përfundimin bindës se këto thënie të begata i sigurojnë atij lumturinë në të dyja jetët.

Profeti Muhamed dhe Ehli Bejti i tij na nxisin që t'i mësojmë përmendësh hadithet e tyre, me qëllim që të bëhen pjesë e kulturës dhe e dukatës sonë dhe me anë të tyre, të afrohemi tek Allahu i Madhëruar. Kjo gjë ka shumë dobi për besimtarin në Jetën Tjetër.

Në një hadith të ardhur nga Imam Sadiku (*Paqja qoftë mbi të!*), thuhet: “Ai që mëson përmendësh dyzet hadithe, Allahu do ta ringjallë në Ditën e Kiametit të ditur dhe jurist (fakih)”.

Bazuar në këtë vlerë dhe pasuri të trashëguar nga Profeti Muhamed dhe Ehli Bejti, shoqata “Flladi” ka grumbulluar, ka përzgjedhur dhe ka përkthyer në gjuhën shqipe **“40 hadithe rreth lutjes (duasë)”**.

Allahu na mbarësoftë të gjithëve në ruajtjen dhe përhapjen e kësaj trashëgimie të vyer e të begatë të Profetit Muhamed dhe të familjes së tij të pastër.

Shoqata “Flladi”

KUPTIMET E LUTJES NË KUR'ANIN E SHENJTË

Fjala “dua”, në gjuhësi, ka kuptimin: *kërkesë* dhe *thirrje*. Në Kur'anin e Shenjtë, fjala “dua” përmendet me kuptime të ndryshme.

1- **Thirrje**, siç thuhet në ajetin 61 të sures “Ali Imran”: “**Atyre që të kundërshtojnë ty për çështjen e Isait, pasi të ka ardhur njohuria, thuaju: ‘Ejani t’i thërrasim bijtë tanë dhe bijtë tuaj, gratë tona dhe gratë tuaja, veten tonë dhe ju vetë, pastaj, të lutemi që mallkimi i Allahut t’i godasë gënjeshtarët’**”.

Ka raste që fjala *“thirrje”* - *“nidaun”*, ashtu edhe fjala *“duaun”* ndodhen në një vend, siç shihet në ajetin 171 të sures *“El Bekare”*: **“Mohuesit i shëmbëllejné kafshëve, të cilat, kur i thërret dikush, dëgjojnë vetëm thirrje e zë, por s’kuptojné asgjë. Ata janë të shurdhër, memecë dhe të verbër e nuk kuptojné asgjë”**.

2- **Kërkesë**, siç thuhet në ajetin 18 të sures *“Fatir”*: **“Asnjë shpirt i ngarkuar nuk do të mbartë barrën e tjetrit. Nëse i ngarkuari rëndë kërkon dikë që t’ia mbartë, nuk do t’i merret asgjë nga barra, edhe sikur të jetë i afërt. Në të vërtetë, ti paralajmëron vetëm ata që i frikësohen Zotit të tyre në fshehtësi dhe që falin**

namazin. Kush e pastron veten (nga gjynahet), në të vërtetë, e ka për dobinë e vet, ndërsa kthimi është tek Allahu".

3- Thënie, siç thuhet në ajetin 5 të sures "El A'raf": **"Kur iu erdhi dënimi, thënia e tyre e vetme ishte: 'Ne kemi qenë vërtet të padrejtë!'".**

4- Adhurim, siç thuhet në ajetin 14 të sures "El Kehf": **"Ne i forcua zemrat e tyre, kur u ngritën e thanë: 'Zoti ynë është Zoti i qiejve dhe i Tokës. Ne nuk do të adhurojmë asnjë zot tjetër, përveç Tij, sepse atëherë do të thoshim një gënjeshtër të madhe'".**

5- **Ndihmë**, siç thuhet në ajetin 23 të sures “El Bekare”: **“Nëse ju dyshoni në atë që ia kemi zbritur robit tonë** (Muhamedit /Paqja e bekimi i Allahut qoftë mbi të dhe mbi familjen e tij!), **atëherë hartoni një sure të ngjashme me atë që ia kemi shpallur atij. Thirrni në ndihmë edhe dëshmitarët tuaj (që i adhuron) në vend të Allahut, nëse jeni të vërtetë”**.

6- **Nxitje për vepruar diçka**, siç thuhet në ajetin 5 të sures “Nuh”: **“Ai tha: ‘O Zoti im, unë e nxita popullin tim natë e ditë’”**. Pra, e nxita për të adhuruar një Zot të Vetëm.

Në terminologji, fjala “dua” ka kuptimin: kërkimi me nënshtrim dhe

bindje nga i ulëti te i Larti. Kur robi i lutet Zotit të tij, kjo do të thotë se i kërkon vazhdimisht ndihmë Atij për gjithçka. Allahu i Madhëruar thotë në Kur'anin e Shenjtë: **“Zoti juaj ka thënë: ‘Lutmuni Mua, se do t’ju përgjigjem! Me të vërtetë, ata që tregohen mendjemëdhenj e nuk duan të Më adhurojnë, do të hyjnë në Xhehenem të poshtëruar’”**.

KUR GJEN PËRGJIGJE LUTJA JONË?

Allahu i Madhëruar thotë në Kur'anin e Shenjtë: **“Zoti juaj ka thënë: ‘Lutmoni Mua, se do t’ju përgjigjem! Me të vërtetë, ata që tregohen mendjemëdhenj e nuk duan të Më adhurojnë, do të hyjnë në Xhehenem të poshtëruar’”**.¹

¹ Sure “Gafir”, ajeti 60.

Nga ajeti i lartpërmendur përfitohen disa gjëra:

E para: Allahu e do dhe e pëlqen lutjen, si dhe urdhëron për të bërë lutje, siç thotë ajeti: **“Zoti juaj ka thënë: ‘Lutmuni Mua...’”**.

E dyta: Allahu u ka premtuar robëve të Tij, se do t’i përgjigjet lutjes së tyre: **“...do t’ju përgjigjem...”**. Mirëpo ky premtim, për përgjigje të lutjes, ka kushte të caktuara dhe nuk është i pakushtëzuar. Ato kushte do t’i përmendim më poshtë.

E treta: Duaja, në vetvete, është një lloj adhurimi, sepse në fund të ajetit lexojmë: **“...ata që tregohen**

mendjemëdhenj e nuk më adhurojnë...". Këtu, Allahu i Madhëruar ka përdorur fjalën "ibadet" në vend të fjalës "dua", që do të thotë se kuptimi i adhurimit këtu është për duanë.

E katërta: Në fund, ajeti përmban një kërcënim të qartë e të fortë për ata që kundërshtojnë lutjen, për shkak të ndjenjës së mendjemadhësisë që i ka mbuluar, duke menduar se nuk kanë nevojë për Allahun. Kundërshtimin e lutjes ajeti e konsideron kundërshtim të Allahut: **"...Me të vërtetë, ata që tregohen mendjemëdhenj e nuk duan të Më adhurojnë, do të hyjnë në Xhehenem të poshtëruar".**

Ky ajet: **“Zoti juaj ka thënë: ‘Lutmuni Mua, se do t’ju përgjigjem...’”** dhe ajeti 186 i sures “El Bekare”, që thotë: **“Kur robërit e Mi (besimtarë) të pyesin për Mua, (thua ju se) Unë jam afër, i përgjigjem lutjeve të lutësit, kur ai më lutet Mua. Prandaj, le t’i përgjigjen thirrjes Sime dhe le të më besojnë Mua, për të qenë në Rrugë të Drejtë.”**, tregojnë qartë për premtimin e Allahut, se Ai i përgjigjet lutjes së lutësit, kur i lutet dhe i kërkon Atij.

Shumë njerëz, të cilët i lexojnë këto dy ajete, mund të thonë: *‘Ne i lutemi përherë Allahut, por nuk shohim përgjigje. Ne i lutemi shumë, i kërkojmë nevojat tona dhe i drejtohem, që të na zgjidhë problemet tona.*

Përse nuk na përgjigjet? Vallë, a e shkel Allahu premtimin e Tij?’

Përgjigjja është: Mospërgjigjja e lutjes, në të shumtën e rasteve, e ka burimin dhe shkakun te ne, sepse ne bëjmë vepra që e pengojnë lutjen, që të arrijë tek Allahu i Madhëruar. Nëse lutja nuk arrin tek Ai, padyshim që nuk merr përgjigje. Për sa i përket premtimit të Allahut, në përgjigjen e lutjes, duhet thënë se ai është premtim i kushtëzuar dhe jo absolut. Ai premtim është i kushtëzuar me kryerjen e detyrave të caktuara nga Allahu Fuqiplotë. Nëse njeriu i kryen ato detyra, ashtu siç e meritojnë, atëherë do të gjendet edhe përgjigje për lutjen. Nëse nuk i kryhen

ashtu siç duhet, atëherë nuk mund të pritet përgjigje për lutjen.

Prej shkaqeve që bllokojnë lutjen të arrijë tek Allahu i Madhëruar, janë mëkatet dhe punët e këqija. Në lutjen “Kumejl” të Imam Aliut (*Paqja qoftë mbi të!*) lexojmë: *“Falmi mëkatet që bllokojnë lutjen!”* Po aty lexojmë: *“Të drejtohem Ty, për hir të Madhështisë Tënde, që punët e mia të këqija të mos e bllokojnë lutjen time”*. (Lutja e Kumejlit e Imam Aliut). Pra, gjynahet dhe punët e këqija e bllokojnë lutjen që të arrijë tek Allahu Fuqiptotë. Duhet thënë se gjynahet kanë dy role në jetën e njeriut.

Roli i parë: Ato e largojnë njeriun nga Allahu.

Roli i dytë: Ato bllokojnë lutjen dhe e pengojnë atë të arrijë tek Allahu i Madhëruar.

Nëse lutja do të arrijë tek Allahu, patjetër që do të marrë përgjigje nga Ai, sepse tek Allahu nuk ka vend as koprracia dhe as paaftësia. Ai është i Plotfuqishmi absolut për gjithçka. Mirëpo, gjynahet janë shkak për mosarritjen e lutjes tek Ai. Allahu nuk i përgjigjet lutjes së gjynahqarit, sepse lutja e tij është e paaftë të arrijë tek Allahu.

Në disa transmetime janë përmendur gjynahe, të cilat, nëse njeriu i vepron ato, bëhen pengesë për përgjigjen e lutjes. Ndër ato janë: qëllimi i keq,

hipokrizia, vonesa e namazit nga koha e faljes së tij, thënia e fjalëve të këqija, mosrespektimi i prindërve, të ushqyerit me haram, mosdhënia e pasurisë në rrugën e Allahut etj. Këto gjynahe, e të tjera si këto, pengojnë përgjigjen e lutjes. Si mund të jetë e mundur që Allahu t'i përgjigjet dhe t'ia plotësojë nevojën atij njeriu që e kundërshton Atë, duke bërë gjynahe të cilat e zemërojnë?!

Në transmetimet islame përmenden kushte për përgjigjen e lutjes. Po i listojmë këto kushte:

Kushti i parë: Braktisja dhe mosveprimi i të ndaluarve dhe pendimi prej tyre. Lutësi duhet të përpiqet

gjithmonë, që të pastrojë zemrën e tij, mendjen e tij, shpirtin e tij dhe jetën e tij prej gjithçkaje që nuk e pëlqen Allahu i Madhëruar. Është transmetuar nga Imam Bakiri (Paqja qoftë mbi të!): “Vërtet, njeriu i kërkon Allahut plotësimin e një nevoje dhe është prej çështjes së Tij, që t’ia plotësojë këtë nevojë në kohën më të afërt. Por robi mëkaton dhe Allahu i thotë engjëllit: ‘Mos ia plotëso atij nevojën dhe privoje atë, sepse ai është përballur me zemërimin Tim dhe e meriton që Unë të mos ia kryej nevojën’”.

Kushti i dytë: Lutësi duhet të përpiqet, që të pastrojë pasurinë e tij nga çdo papastërti, vjedhje, padrejtësi etj.

Ushqimi i tij të mos jetë haram. Profeti Muhamed (*Paqja e bekimi i Allahut qoftë mbi të dhe mbi familjen e tij!*) ka thënë: “Ai që dëshiron t’i përgjigjet lutja, të pastrojë ushqimin dhe fitimin e tij”.

Kushti i tretë: Lutja asnjëherë të mos jetë e ndarë nga përpjekja e vazhdueshme kundër të gjitha ngjyrave të shthurjes dhe devijimit, nëpërmjet urdhërimit në të mirë dhe ndalimit nga e keqja. Kjo, sepse Allahu nuk i përgjigjet lutjes së atij që nuk e zbaton detyrën e të urdhëruarit në të mirë dhe të ndalimit nga e keqja. Profeti Muhamed (*Paqja e bekimi i Allahut qoftë mbi të dhe mbi familjen e tij!*) ka

thënë: *“Urdhëroni në të mirë dhe ndaloni nga e keqja. Përndryshe, të këqijtë tuaj do të jenë sundues mbi të mirët tuaj dhe këta të mirë, do të luten dhe lutja e tyre nuk do të marrë përgjigje”.*

Kushti i katërt: Lutja të jetë në përputhje me ligjet e natyrshme dhe lutësi të jetë i çiltër dhe i bindur ndaj përgjigjes. Mospërgjigjja e lutjes vjen, ose nga kërkesa e njeriut që është në kundërshtim me ligjet e natyrës, si për shembull të kërkojë furnizim pa u përpjekur, të kërkojë dije pa mësuar, të kërkojë udhëzim në Rrugën e Drejtë pa u përpjekur; ose ai i kërkon Allahut diçka që përmban dëm fetar dhe

jetësor për atë, për të cilin ai është i paditur dhe, po ta dinte se ka dëm, nuk do të lutej; ose ai mund të lutet pa sinqeritet dhe pa bindje, pra, thjesht nxjerr fjalë që nuk burojnë te zemra dhe shpirti besimtar.

Imam Aliu (*Paqja qoftë mbi të!*) ka thënë: *“Lutësi pa veprim është si harkëtari pa hark”*.

E kanë pyetur Imam Sadikun (*Paqja qoftë mbi të!*): *“Përse nuk gjen përgjigje lutja jonë, kur ne lutemi?”* Imami iu përgjigj: *“Kjo, sepse ju i luteni Atij që nuk e njihni dhe i kërkon Atij që nuk e kuptoni”*.

Kushti i pestë: Lutësi duhet të zbatojë detyrat e caktuara nga Allahu dhe të zbatojë premtimin me Allahun. Besimi, puna e mirë, amaneti, pajtimi, janë prej kushteve të përgjigjes së lutjes. Ai që nuk e zbaton premtimin ndaj Allahut, nuk mund të presë të marrë përgjigje të lutjes së tij.

Fjalët e mësipërme i sqaron më së miri ndodhia e mëposhtme:

Një ditë xhumaje, Imam Aliu mbajti një fjalim. Pas fjalimit (hytbes), një nga të pranishmit, u çua dhe e pyeti Imam Aliun: “O Prijësi i besimtarëve! Përse nuk na përgjigjet lutja jonë, kur Allahu i Madhëruar thotë: **‘M’u lutni Mua, t’i përgjigjem lutjes suaj’?!’**”

Imam Aliu (*Paqja qoftë mbi të!*) iu përgjigj:
“Zemrat tuaja i kanë tradhtuar tetë virtyte:
E para: Ju e njohët Allahun dhe nuk e keni
zbatuar ashtu si duhet të drejtën ndaj Tij.
Kjo njohje nuk ju solli asnjë dobi.

E dyta: Ju i besuat Profetit të Tij,
pastaj e kundërshtuat Sunetin e tij dhe e
vdiqët Sheriatin e tij. Atëherë, ku është fryti
i besimit tuaj?

E treta: Ju e lexoni Librin që Ai ka
zbritur për ju, por nuk e zbatoni atë. Ju

thatë “dëgjuam dhe u bindëm”, pastaj e kundërshtuat.

E katërta: Ju thoni: “i frikësohemi zjarrit”. Në çdo kohë, me mëkatet tuaja, i afroheni zjarrit. Ku është frika juaj?!

E pesta: Ju thoni se e dëshironi Xhenetin dhe çdo ditë veproni vepra që ju largojnë prej tij. Ku është dëshira juaj?!

E gjashta: Ju ushqeheni me mirësitë e Krijuesit, por nuk e falënderoni Atë për ato mirësi.

E shtata: Allahu ju ka urdhëruar që ta quani armik shejtanin dhe ka thënë: “**Me të vërtetë, djalli është armik për ju, prandaj vështrojeni si armik!...**”.² Mirëpo ju u armiqësuat më të me fjalë dhe e mbështesni pa vepra.

E teta: Ju i keni vendosur të këqijat e njerëzve para syve tuaj dhe të këqijat tuaja i keni hedhur pas shpinës suaj. Ju akuzoni të tjerët, ndërkohë që e meritoni më shumë atë akuzë.

Çfarë lutjeje do t’ju përgjigjet juve, pas gjithë kësaj, ku ju, me duart tuaja, i keni

² Sure “El Fatir”, ajeti 6.

mbyllur dyert e saj?! Jini të devotshëm dhe ndreqini punët tuaja. Bëjini të çiltra të fshehtat tuaja. Urdhëroni në të mira dhe ndaloni nga të këqijat, që lutja juaj t'ju plotësohet".³

³ "Sefinetul Bihar", vëll. 1, f. 448-449.

40 HADITHE RRETH LUTJES (DUASË)

Hadithi 1

Imam Rizai (Paqja qoftë mbi të!) ka thënë:
"Duaja (lutja) është arma e profetëve (Paqja
qoftë mbi ta!)".⁴

قال الإمام الرضا (عليه السلام): "الدُّعَاءُ سِلَاحُ الْأَنْبِيَاءِ (ع)".

⁴ "Lealij Akhbar", vëll. 4, f. 98.

Hadithi 2

Imam Xha'ferr Sadiku (*Paqja qoftë mbi të!*)
ka thënë: *“Ushtroje duanë (lutjen), sepse ajo
është shërim për çdo sëmundje”*.⁵

قال الإمام جعفر الصادق (عليه السلام): "عَلَيْكَ بِالدُّعَاءِ فَإِنَّهُ شِفَاءٌ مِنْ كُلِّ دَاءٍ."

⁵ “Usulul Kafi”, vëll. 3, f. 217.

Hadithi 3

Prijësi i besimtarëve, Imam Aliu, (Paqja goftë mbi të!) ka thënë: “Lutja (dua)ja është çelësi i mëshirës dhe ndriçuesi i errësirës”.⁶

قال امير المؤمنين الإمام علي (عليه السلام): "الدُّعَاءُ مِفْتَاحُ الرَّحْمَةِ وَ مَصْبَاحُ الظُّلْمَةِ."

⁶ “El Biharu”, vëll. 93, f. 341.

Hadithi 4

I Dërguari i Allahut (*Paqja e bekimi i Allahut qoftë mbi të dhe mbi familjen e tij!*) ka thënë: “Kur Allahu i Lartësuar dërgonte një profet, i thoshte atij: “Nëse të shqetëson ndonjë gjë që nuk të pëlqen, m’u lut Mua dhe Unë do të të përgjigjem ty”. Vërtet, Allahu ia ka dhënë këtë umetit tim dhe i thotë: **"Lutmoni Mua e Unë do t’ju përgjigjem juve".**⁷

⁷ Sure “El Gafir”, ajeti 60; “Mijzanul Hikmeti”, vëll. 2, f. 872.

40 hadithe rreth lutjes (duasë)

رسول الله (صلى الله عليه وآله): إن الله تبارك وتعالى... كان إذا بعث نبيا قال له: إذا أحز
نك أمر تكرهه فادعني أستجب لك، وإن الله أعطاني ذلك حيث يقول:
(ادعوني أستجب لكم)

Hadithi 5

Imam Rizai (*Paqja qoftë mbi të!*) ka thënë:
“*Duaja (lutja) është arma e besimtarit, shtylla e fesë dhe drita e qiejve dhe e tokës*”.⁸

قال الإمام الرضا (عليه السلام):
"الدعاء سلاح المؤمن و عمود الدين و نُور السموات و الأرض."

⁸ “Sahifetu Err Rrida (a.s)”, f. 19.

Hadithi 6

Profeti Muhamed (*Paqja e bekimi i Allahut qoftë mbi të dhe mbi familjen e tij!*) ka thënë:
"Shfrytëzoheni duanë me butësinë e zemrës, sepse ajo është mëshirë".⁹

قال رسول الله (صلى الله عليه و آله و سلم): "اغتنموا الدعاء عند الرقة فإتيا رحمة".

⁹ "Shehabul Akhbar", f. 317.

Hadithi 7

Imam Muhamed Bakiri (*Paqja qoftë mbi të!*)
ka thënë: “Allahu i do ata që bëjnë dua”.¹⁰

قال الإمام محمد باقر (عليه السلام): "إِنَّ اللَّهَ يُحِبُّ مِنْ عِبَادِهِ كُلَّ دُعَاءٍ."

¹⁰ “Theuabul A'mali”, f. 358.

Hadithi 8

Imam Xha'ferr Sadiku (*Paqja qoftë mbi të!*) ka thënë: “Cilido që i kërkon një nevojë Allahut, le ta fillojë duanë me dërgimin e salavatit për Muhamedin dhe familjen e tij e pastaj të kërkojë nevojën e tij. Ta mbyllë duanë me dërgimin e salavatit për Muhamedin dhe familjen e tij (*Paqja qoftë mbi ta!*)”.¹¹

قال الإمام جعفر الصادق (عليه السلام): "مَنْ كَانَتْ لَهُ إِلَى اللَّهِ عَزَّوَجَلَّ حَاجَةٌ فَلْيَبْدَأْ بِالصَّلَاةِ عَلَى مُحَمَّدٍ وَآلِهِ ثُمَّ يَسْأَلْ حَاجَتَهُ ثُمَّ يَخْتِمُ بِالصَّلَاةِ عَلَى مُحَمَّدٍ وَآلِ مُحَمَّدٍ عَلَيْهِمُ السَّلَامُ."

¹¹ “Uesailu Esh Shiah”, vëll. 4, f. 1137.

Hadithi 9

Imam Xha'ferr Sadiku (*Paqja qoftë mbi të!*) ka thënë: *“Kush lutet dhe nuk e përmend Profetin, ajo dua fluturon mbi kokën e tij, ndërsa, kur e përmend Profetin, duaaja ngrihet”*.¹²

قال الإمام جعفر الصادق (عليه السلام):
"مَنْ دَعَا وَلَمْ يَذْكُرِ النَّبِيَّ (ص) زَفَرَفَ الدُّعَاءُ عَلَى رَأْسِهِ فَإِذَا ذَكَرَ النَّبِيَّ (ص) رُفِعَ الدُّعَاءُ."

¹² "Usulul Kafi", vëll. 4, f. 248.

Hadithi 10

Imam Xha'ferr Sadiku (*Paqja qoftë mbi të!*)
ka thënë: “*Lutësi dhe i besuari janë partnerë
në shpërblim*”.¹³

قال الإمام جعفر الصادق (عليه السلام): *الْمُؤْتَمِرُ وَالْمُؤْتَمِرُ فِي الْأَجْرِ شَرِيكَانِ*.

¹³ “Uesail Esh Shiah”, vëll. 4, f. 1144.

Hadithi 11

Profeti Muhamed (Paqja e bekimi i Allahut qoftë mbi të dhe mbi familjen e tij!) ka thënë:
“Lutjuni Allahut duke qenë të bindur për përgjigjen! Dijeni se Allahu nuk i përgjigjet lutjes së atij që nuk lutet me zemër”.¹⁴

قال رسول الله صلى الله عليه وآله وسلم:
"أَدْعُوا اللَّهَ وَ أَنتُمْ مُوقِنُونَ بِالْإِجَابَةِ وَ اعْلَمُوا أَنَّ اللَّهَ لَا يَسْتَجِيبُ دُعَاءَ مَنْ قَلْبُهُ لَافٍ."

¹⁴ “Biharul Enuar”, vëll. 93, f. 313.

Hadithi 12

Imam Xha'ferr Sadiku (Paqja qoftë mbi të!) ka thënë: “Kërko nevojën tënde dhe këmbëngul në lutje, sepse Allahu e do këmbënguljen e këmbëngulësve prej robëve të Tij besimtarë”.¹⁵

قال الإمام جعفر الصادق (عليه السلام):
"سَلْ حَاجَتَكَ وَ اِلْحَاقْ فِي الطَّلَبِ فَإِنَّ اللَّهَ يُحِبُّ اِلْحَاقَ الْمَلْجِئِ مِنْ عِبَادِهِ الْمُؤْمِنِينَ."

¹⁵ “Kurbul Is'ad”, f. 5.

Hadithi 13

Imam Muhamed Bakiri (*Paqja qoftë mbi të!*)
ka thënë: “Nuk ka njeri më të urryer te Allahu,
se sa mendjemadhi ndaj adhurimit të Tij dhe
nuk i lutet Atij”.¹⁶

قال الإمام محمد الباقر (عليه السلام):
"ما أحد أبغض إلى الله عز وجل ممن يستكبر عن عبادته ولا يسأل ما عنده."

¹⁶ “Uesailu Shia”, vëll. 4, f. 1084.

Hadithi 14

I Dërguari i Allahut (*Paqja e bekimi i Allahut qoftë mbi të dhe mbi familjen e tij!*) ka thënë:
"Nuk ka gjë më të nderuar për Allahun se sa lutja (duaaja)".¹⁷

قال رسول الله (صلى الله عليه وآله): "ما من شيء أكرم على الله تعالى من الدعاء."

¹⁷ "El Biharu", vëll. 93, Hadithi 23, f. 294.

Hadithi 15

Imam Muhamed Bakiri (*Paqja qoftë mbi të!*) ka thënë: *“Betohem në Allah! Nëse një besimtar këmbëngul te Allahu i Madhëruar e i Lartësuar, për një nevojë të tij, Ai do t’ia plotësojë atij atë nevojë”*.¹⁸

قال الإمام محمد الباقر (عليه السلام):
"والله لا يُلحِّق عبدٌ مؤمنٌ على الله عزَّ وجلَّ في حاجةٍ إلّا قضاها له."

¹⁸ “Usulul Kafi”, vëll. 4, f. 224.

Hadithi 16

Imam Xha'ferr Sadiku (Paqja qoftë mbi të!) ka thënë: *“Kush frikësohet se do ta godasë ndonjë e keqe dhe e paraprin atë me dua (lutje), Allahu do ta bëjë atë që të mos e shohë kurrë atë të keqe”*.¹⁹

قال الإمام جعفر الصادق (عليه السلام):

“مَنْ تَخَوَّفَ بَلَاءَ يَصِيْبُهُ فَتَقَدَّمَ فِيهِ بِالْدُّعَاءِ لَمْ يَرِهِ اللهُ ذَلِكَ الْبَلَاءُ أَبَدًا.”

¹⁹ “Uesailu Shia”, vëll. 4, 1096.

Hadithi 17

Imam Xha'ferr Sadiku (*Paqja qoftë mbi të!*)
ka thënë: “*Duaja (lutja) në lehtësi sjell nevojat
në vështirësi*”.²⁰

قال الإمام جعفر الصادق (عليه السلام):
"إِنَّ الدُّعَاءَ فِي الرِّخَاءِ يَسْتَخْرِجُ الْحَوَائِجَ فِي الْبَلَاءِ."

²⁰ “Uesailu Shia”, vëll. 4, f. 1096.

Hadithi 18

Imam Xha'ferr Sadiku (*Paqja qoftë mbi të!*) ka thënë: *"Duaja (lutja) e besimtarit për vëllanë e tij, kur nuk është i pranishëm, është e pranueshme, sjell riskun dhe largon të keqen"*.²¹

قال الإمام جعفر الصادق (عليه السلام):
"إِنَّ دُعَاءَ الْمُؤْمِنِ لِأَخِيهِ يَظْهَرُ الْغَيْبِ مُسْتَجَابٌ وَ يَدْرُ الْزَرْقُ وَ يَدْفَعُ الْمَكْرُوهَ."

²¹ "Uesailu Shia", vëll. 4, f. 1147.

Hadithi 19

Imam Musa Kadhimi (*Paqja qoftë mbi të!*) ka thënë: “Ai që bën dua për vëllanë e tij, kur ai nuk është i pranishëm, nga Arshi do të vijë një zë: ‘Ty do të të jepet njëqind mijë herë më shumë’”.²²

قال الإمام موسى الكاظم (عليه السلام):

"إِنَّ مَنْ دَعَا لِأَخِيهِ يَظْهَرُ الْغَيْبُ يُودَى مِنَ الْعَرْشِ وَ لَكَ مِائَةُ أَلْفِ ضِعْفٍ!"

²² “Uesailu Shia”, vëll. 4, f. 1148.

Hadithi 20

Imam Xha'ferr Sadiku (*Paqja qoftë mbi të!*) ka thënë: “Kush lutet, përpara vetes së tij, për dyzet vëllezërit e tij në fe dhe pastaj lutet për veten e vet, lutja e tij do të gjejë përgjigje për ata dhe për veten e tij”.²³

قال الإمام جعفر الصادق (عليه السلام):

"مَنْ قَدَّمَ أَرْبَعِينَ رَجُلًا مِنْ إِخْوَانِهِ قَدَّعَا لَهُمْ ثُمَّ دَعَا لِنَفْسِهِ اسْتَجِيبَ لَهُ فِيهِمْ وَ فِي نَفْسِهِ."

²³ “El Khisalu”, vëll. 2, f. 110.

Hadithi 21

Imam Musa Kadhimi (Paqja qoftë mbi të!) ka thënë: “Kush lutet për vëllezërit e tij besimtarë dhe për motrat besimtare, për myslimanët dhe myslimanet, për çdo besimtar, Allahu do të caktojë një engjëll (melek), i cili do të lutet për atë (lutësin)”.²⁴

قال الإمام موسى الكاظم (عليه السلام): "مَنْ دَعَا لِإِخْوَانِهِ مِنَ الْمُؤْمِنِينَ وَالْمُؤْمِنَاتِ وَالْمُسْلِمِينَ وَالْمُسْلِمَاتِ وَكَلَّ اللَّهُ بِهِ عَنْ كُلِّ مُؤْمِنٍ مَلَكًا يَدْعُو لَهُ."

²⁴ “Uesailu Shia”, vëll. 4, f. 1152.

Hadithi 22

Profeti Muhamed (*Paqja e bekimi i Allahut qoftë mbi të dhe mbi familjen e tij!*) ka thënë:
“Kur dikush nga ju lutet, le të bëjë lutje të përgjithshme, sepse kjo lutje gjen përgjigje më të shpejtë”.²⁵

قال رسول الله صلى الله عليه وآله وسلم: "إِذَا دَعَا أَحَدُكُمْ فَلْيُعَمِّمْ، فَإِنَّهُ أَوْجَبُ لِلدُّعَاءِ."

²⁵ "Theuabul A'mali", f. 360.

Hadithi 23

Imam Xha'ferr Sadiku (*Paqja qoftë mbi të!*) ka thënë: “Allahu i Lartësuar e ka bërë detyrim namazin në kohët më të mira, prandaj lutuni pas faljes së namazeve”.²⁶

قال الإمام جعفر الصادق (عليه السلام):
"لَنْ يَكُنَّ الْمَلَأَةُ تَبَارَكَ وَتَعَالَى قَرَضَ الصَّلَاةَ فِي أَفْضَلِ السَّاعَاتِ فَعَلَيْكُمْ بِالدُّعَاءِ فِي أَدْبَارِ الصَّلَاةِ."

²⁶ “Uesailu Shia”, vëll. 4, f. 1148.

Hadithi 24

Imam Xha'ferr Sadiku (*Paqja qoftë mbi të!*)
ka thënë: “Bëni dua pas namazeve, sepse ajo
(dua) është e pranueshme”.²⁷

قال الإمام جعفر الصادق (عليه السلام):
"عَلَيْكُمْ بِالدُّعَاءِ فِي أَذْبَارِ الصَّلَاةِ فَإِنَّهُ مُسْتَجَابٌ."

²⁷ “El Khisalu”, vëll. 2, f. 85.

Hadithi 25

Profeti Muhamed (Paqja e bekimi i Allahut goftë mbi të dhe mbi familjen e tij!) ka thënë: “Katër personave u pranohet lutja: lutja e prindit për fëmijën e tij, lutja e të privuarit për padrejtësinë ndaj tij, lutja e personit që viziton Shtëpinë e Allahut, deri sa të kthehet (në vendin e tij) dhe e agjëruesit, deri sa ta çelë iftarin”.²⁸

قال رسول الله صلى الله عليه وآله وسلم: "أَرْبَعَةٌ لَا تُرَدُّ لَهُمْ دَعْوَةٌ: الْوَالِدُ لِوَلَدِهِ وَالْمَظْلُومُ عَلَى مَنْ ظَلَمَهُ وَالْمُعْتِمِرُ حَتَّى يَرْجِعَ وَالصَّائِمُ حَتَّى يَفْطِرَ."

²⁸ “Uesailu Shia”, vëll. 4, f.1153.

Hadithi 26

Profeti Muhamed (*Paqja e bekimi i Allahut qoftë mbi të dhe mbi familjen e tij!*) ka thënë:
“*Lutu sa më shumë, sepse ti nuk e di kur të vjen përgjigjja*”.²⁹

قال رسول الله صلى الله عليه وآله وسلم:
"أَكْثِرْ مِنَ الدُّعَاءِ فَإِنَّكَ لَا تَدْرِي مَتَى يَسْتَجَابُ لَكَ."

²⁹ "Tuhful Ukuli", f. 34.

Hadithi 27

Profeti Muhamed (*Paqja e bekimi i Allahut goftë mbi të dhe mbi familjen e tij!*) ka thënë:
“*Lutja (duaaja) që bëhet mes ezanit dhe kiametit, është e pranueshme*”.³⁰

قال رسول الله صلى الله عليه وآله وسلم: "الدُّعَاءُ بَيْنَ الْأَذَانِ وَالْإِقَامَةِ لَا يَرُدُّ."

³⁰ “Meuaidhu Adedijeh”, f. 4.

Hadithi 28

Imam Xha'ferr Sadiku (*Paqja qoftë mbi të!*) ka thënë: *"Kur rob i është në sexhde dhe thotë tri herë: 'O Allah, o Sundues, o Zotërues!'*, Allahu i Lartësuar e i Madhëruar i përgjigjet dhe i thotë: *'T'u përgjigja ty, o rob i Im. Kërko nevojën tënde!'"*³¹

قال الإمام جعفر الصادق (عليه السلام):

"إذا قال العبدُ و هو ساجدٌ "يا الله يا رباهُ يا سيدهُ" ثلاثَ مرّاتٍ أجابه الله تبارك و ت
عالى: "لبيكَ عَبْدِي، سَل حاجَتَكَ"

³¹ "Uesailu Shia", vëll. 4, f. 1131.

Hadithi 29

Profeti Muhamed (*Paqja e bekimi i Allahut qoftë mbi të dhe mbi familjen e tij!*) ka thënë:
"Lutja (dua) e të privuarit është e pranueshme, edhe sikur ai të jetë mëkatar, i shthurur".³²

قال رسول الله صلى الله عليه وآله وسلم: "دعوة المظلوم مُستجابة وإن كان فاجراً."

³² "Meuaidhu Adedijeh", f. 6.

Hadithi 30

Imam Kadhimi (*Paqja qoftë mbi të!*) ka thënë: *“Fitoji të ardhurat e tua me hallall, që lutja (dua) jote të pranohet”*.³³

قال الإمام موسى الكاظم (عليه السلام): "أُطِبَّ كَسْبُكَ تُسْتَجَبَ دَعْوَتُكَ."

³³ “Mekarimul Akhlak”, f. 423.

Hadithi 31

Prijësi i besimtarëve, Imam Aliu (*Paqja qoftë mbi të!*), ka thënë: “Mos u anko për vonesën e përgjigjes së lutjes tënde, ndërkohë që ti ia ke bllokuar asaj rrugën me gjynahet”.³⁴

قال امير المؤمنين الامام علي عليه السلام:
"لَا تَسْتَبِطِ إِجَابَةَ دُعَائِكَ وَ قَدْ سَدَدْتَ طَرِيقَهُ بِالذُّنُوبِ."

³⁴ “Fehres el Gurer”, f. 105.

Hadithi 32

Profeti Muhamed (*Paqja e bekimi i Allahut* goftë mbi të dhe mbi familjen e tij!) ka thënë:
“Lutja (dua) e shoqëruar me ushqim haram (të ndaluar) është si ndërtesa mbi ujë”.³⁵

قال رسول الله صلى الله عليه وآله وسلم: "الدُّعَاءُ مَعَ أَكْلِ الْحَرَامِ كَالْبِنَاءِ عَلَى الْمَاءِ".

³⁵ “Lealij Akhbar”, vëll. 4, f. 103.

Hadithi 33

Imam Muhamed Bakiri (*Paqja qoftë mbi të!*) ka thënë: “Si do të gjejë përgjigje lutja (duaja) e robit që i lutet Allahut, ndërkohë që ushqimi dhe veshmbathja e tij është haram?”³⁶

قال الإمام محمد الباقر (عليه السلام):
"إِنَّ الْعَبْدَ لَيَرْفَعُ يَدَيْهِ إِلَى اللَّهِ، وَ مَطْعَمُهُ حَرَامٌ وَ مَلْبَسُهُ حَرَامٌ فَكَيْفَ يَسْتَجَابُ لَهُ وَ هَذِهِ
حَالُهُ؟"

³⁶ “Lealij Akhbar”, vëll. 4, f. 103.

Hadithi 34

Imam Rizai (Paqja qoftë mbi të!) ka thënë:
“Lutja (duaja) që bëhet fshehtas, është më e mirë
se shtatëdhjetë lutje që bëhen hapur”.³⁷

قال الإمام الرضا (عليه السلام): "دَعْوَةٌ تُخْفِيهَا أَفْضَلُ عِنْدَ اللَّهِ مِنْ سَبْعِينَ دَعْوَةً تُظْهِرُهَا."

³⁷ "Uesailu Shia", vëll. 4, f. 1113.

Hadithi 35

Imam Zejnel Abedini (Paqja qoftë mbi të!) ka thënë: “Duaja e besimtarit ka tri gjëra: ose është thesar për atë në Ahiret, ose shpejton plotësimin e nevojës, ose e largon prej të keqes që do ta godiste atë”.³⁸

قال الإمام زين العابدين (عليه السلام): "المؤمنُ من دُعائِهِ على ثلاثٍ: إمّا أنْ يَدَّخَرَ لَهُ
و إمّا أنْ يَعْجَلَ لَهُ وَ إمّا أنْ يَدْفَعَ عَنْهُ بَلَاءٌ يَريدُ أَنْ يَصِيبَهُ.

³⁸ “Tuhful Ukuli”, f. 287.

Hadithi 36

Dikush i ka thënë të Dërguarit të Allahut (Paqja e bekimi i Allahut qoftë mbi të dhe mbi familjen e tij!): “Unë dua që lutja ime të gjejë përgjigje”.

I Dërguari i Allahut (Paqja e bekimi i Allahut qoftë mbi të dhe mbi familjen e tij!) iu përgjigj: “Pastro ushqimin tënd dhe mos fut haram në barkun tënd”.³⁹

قال رسول الله (صلى الله عليه وآله) - لمن قال له: أحب أن يستجاب دعائي -
: طهر مأكلك ولا تدخل بطنك الحرام.

³⁹ “Iddetu Ed Da'I”, f. 128.

Hadithi 37

Imam Zejnel Abedini (*Paqja qoftë mbi të!*) ka thënë: *“Lutja (duaaja) largon të keqen që vjen dhe të keqen që nuk ka ardhur”*.⁴⁰

قال الإمام زين العابدين (عليه السلام): "الدعاء يدفع البلاء النازل وما لم ينزل."

⁴⁰ “El Kafi”, vëll. 2, Hadithi 6, f. 469.

Hadithi 38

I Dërguari i Allahut (*Paqja e bekimi i Allahut qoftë mbi të dhe mbi familjen e tij!*) ka thënë:
"Robi i ngre duart dhe i lutet Allahut, ndërkohë që ushqimi i tij është haram. E si do t'i pranohet atij lutja në këtë gjendje?"⁴¹

قال رسول الله (صلى الله عليه وآله):

"إن العبد ليرفع يده إلى الله ومطعمه حرام، فكيف يستجاب له وهذا حاله؟"

⁴¹ "Irshadul Kulubi", f. 149.

Hadithi 39

I Dërguari i Allahut (*Paqja e bekimi i Allahut qoftë mbi të dhe mbi familjen e tij!*) ka thënë:
“Adhurimi më i mirë është lutja (duaaja)”.⁴²

قال رسول الله (صلى الله عليه وآله): "أفضل العبادة الدعاء."

⁴² “Kenzul Ummal”, f. 3134 dhe 3137.

Hadithi 40

I Dërguari i Allahut (*Paqja e bekimi i Allahut qoftë mbi të dhe mbi familjen e tij!*) ka thënë:
“A t’ju tregoj për armën që ju shpëton nga armiqtë tuaj dhe shton furnizimin tuaj?”

- Po, o i Dërguari i Allahut.
- Lutjuni Zotit tuaj natën dhe ditën, sepse arma e besimtarit është lutja (duaaja).⁴³

⁴³ “El Kafi”, vëll. 2, Hadithi 5, f. 468.

قال رسول الله (صلى الله عليه وآله):
"ألا أدلكم على سلاح ينجيكم من أعدائكم، ويدر أرزاقكم؟ قالوا: بلى يا رسول الله، قال:
تدعون ريكبالليل والنهار، فإن سلاح المؤمن الدعاء."

اسم الكتاب: اربعون حديثا عن الدعاء

ترجمة الأحاديث: الشيخ ولنت (عباس) مريا

التصحيح الادبي: يريدا كولا

التصحيح اللغوي: ويولسا كاراي

الإخراج النهائي: صبريه فزا

الغلاف: اسراء مريا

الناشر: جمعيت نسيم

تيرانا: 2022